

[明]張之象 編
[日]中島敏夫 整理

唐詩類苑


三

上海世紀出版股份有限公司
上海古籍出版社

唐詩類苑 三 目錄

卷七〇	武部		三
卷七一	武部		二一
卷七二	武部		三六
卷七三	武部		四六
卷七四	人部		五三
卷七五	人部		七五
卷七六	人部		八二
卷七七	人部		九八
卷七八	人部		一四
卷七九	人部		一三二
卷八〇	人部		一四六
卷八一	人部		一六三
卷八二	人部		一七二
卷八三	人部		一八五
卷八四	人部		一九六
卷八五	人部		二一四
卷八六	人部		二三一
卷八七	人部		二四五
卷八八	人部		二五八
卷八九	人部		二六七
卷九〇	人部		二七六
卷九一	人部		二九五
卷九二	人部		三一三
卷九三	人部		三二七
卷九四	人部		三四九
卷九五	人部		三六四
卷九六	人部		三七七
卷九七	人部		三九三
卷九八	人部		四〇五
卷九九	人部		四二二
卷一〇〇	人部		四三六
卷一〇一	人部		四五一
卷一〇二	人部		四六八
卷一〇三	人部		四八六
卷一〇四	人部		四九九
卷一〇五	人部		五一三
卷一〇六	人部		五二八

唐詩類苑
(三)



唐詩類苑卷第七十

明雲間張之象玄超甫纂輯

雲間黃體仁長卿甫編次

雲間王 徹叔朗甫補訂

梁谿曹仁孫伯安甫校正

戰伐

古征戰

于 潰

高峰凌青冥深穴萬丈坑皇天自山谷焉得人心平

齊魯足兵甲燕趙多娉婷仍聞麗水中日日黃金生

唐詩類苑 卷之七十

苟非夷齊心豈得無戰爭

戰城南

盧照隣

將軍出紫塞冒頓在烏貪笳喧鴈門北陣翼龍城南

琕弓夜宛轉鐵騎曉參驕應須駐白日為待戰方酣

戰城南

楊 炯

塞北途遼遠城南戰苦辛幡旗如鳥翼甲冑似魚鱗

凍水寒傷馬悲風愁殺人寸心明白日千里暗黃塵

戰城南

徐九臯

塞北狂胡旅城南敵漢圍巉巖一鼓氣拔利五兵威

虜騎瞻山哭王師拓地飛不應須寵戰當遂勒金徽

戰城南

劉 駕

城南征戰多城北無饑鴉白骨馬蹄下誰言皆有家

城前水聲苦倏忽流萬古莫爭城外城城裏終閑土

戰城南

邵 謁

武皇重征伐戰士輕生死朝爭刃上功暮作泉下鬼

悲風吊枯骨明月照荒壘千載留長聲鳴咽城南水

戰城南

曹 鄴

千金畫陣圖自為弓劒苦殺盡田野人將軍猶愛武

性命換他思功成誰作主鳳凰樓上人夜夜長歌舞

戰城南

李 白

唐詩類苑 卷之十

去年戰桑乾源今年戰葱河道洗兵條支海上波放

馬天山雪中草萬里長戰征三軍盡衰老匈奴以殺

戮為耕作古來唯見白骨黃沙田秦家築城備胡處

漢家還有烽火然烽火然不息征戰無已時野戰格

鬪死敗馬號鳴向天悲烏鵲啄人腸銜飛上挂枯樹

枝士卒塗草莽將軍空爾為乃知兵者是凶器聖人

不得已而用之

苦戰行

杜 甫

苦戰身死馬將軍自云伏波之子孫干戈未定失壯

士使我歎恨傷精魂去年江南討狂賊臨江把臂難

再得別時孤雲今不飛時獨看雲淚橫臆

聞慶州趙縱使君與党項戰中箭身死

杜牧

將軍獨乘鐵驄馬榆溪戰中金僕姑死綏却是古來
有驕將自驚今日無青史文章爭點筆朱門歌舞笑
捐軀誰知我亦輕生者不得君王丈二笏

送著作佐郎崔融等從梁王東征并序

陳子昂

古者涼風至白露下天子命將帥訓甲練兵將以
外威荒戎內輯中夏時義遠矣自我大君受命百

唐詩類苑

卷之七十

三

蠻蟻伏匈奴含蒲萄之宮越裳重翡翠之貢虎符
不發象胥攸同寔欲高議靈臺偃兵天下而林胡
遺孽潰亂邊畔驅蚊蚋之師忽雷霆之伐乃竊海
裔弄燕陲皇帝哀北鄙之人罹其辛螫以東征之
義降彼偏裨猶恐威令未孚亭塞可留岐路方垂
關山成恨嗟乎朝廷好入期富貴于崇朝林嶺吾
棲學神仙而未畢曰青霞路絕朱紱途遙言此會
之何時願相逢而誰伐未懷千古豈知者之交
凡我三人盍崇不朽之迹斯文未喪題之此山同
疏六韻云爾

金天方肅殺白露始專征王師非樂戰之子慎佳兵
海氣侵南郡邊風掃北平莫賣盧龍塞歸邀麟閣名
東征至淇門答宋參軍之問

陳子昂

南星中大火將子涉清淇西林改徵月征旆空自倚
碧潭去已遠瑤草折遺雄若問遼陽戍悠悠天際旗

東征答朝臣相送

陳子昂

平生白雲意疲爾媿為雄君王謬殊寵旌節此從戎
校繩當繫虜單馬豈邀功孤劍將何託長謡塞上風

東征行

王建

唐詩類苑

卷之七十

四

桐栢水西賊星落梟雛夜飛林木惡相國刻日波濤
清當朝自請東南征舍人為賓侍郎副曉覺蓬萊欠
珮聲玉階舞蹈謝旌節生死向前山可穴同時賜馬
并賜衣御樓看帶弓刀發馬前猛士三百人金書左
右紅旗新司庖常膳皆得對好事將軍封爾身男兒
生殺在手裏營門老將皆憂死矐矐白日當南山不
立功名終不還

隨師東

李商隱

東征日調萬黃金幾竭中原買關心軍令未聞誅馬
謖捷書唯是報孫歆

平吳之役上言得歆吳平孫尚在

但須驚驚巢

阿閣豈暇鳴鴉在泮林可惜前朝玄菟郡積骸成秦陣雲深

東兵長句十韻

杜牧

上黨爭爲天子脊邯鄲四十萬秦坑狂童何者欲專地聖主無私心
兵玄象森羅搖北落詩人章句詠東征雄如虎
試皆彈劍少似終軍亦請纓屈指廟堂無先策垂衣堯舜待昇平
羽林東下雷霆怒楚甲南來組練明卽墨龍文光照曜常山蛇陣勢縱橫落鵬都尉萬人敵黑消將軍一鳥輕
漸見長圍雲欲合可憐窮黽帶猶繁凱歌應是新年唱便逐春風浩浩聲

唐詩類苑

卷之七十

五

奉和裴相公東征途經女几山下作

韓愈

旗穿曉日雲霞雜山倚秋空劒戟明敢請相公平賊後暫攜諸吏上崢嶸

李雲南征蠻詩

并序

高適

天寶十一載有詔伐西南夷右相賜公兼節制之寄乃奏前雲南太守李宓涉海自交趾擊之道路險艱往復數萬里蓋百王所未通也十二載四月至於長安君子是以知廟堂使能而李公効節適忝斯人之舊因賦是詩

聖人赫斯怒詔伐西南戎肅穆廟堂上深沈節制雄遂令感激士得建非常功料死不料敵顧恩寧肯終鼓行天海外轉戰蠻夷中梯巘近高鳥穿林經毒鬼門無歸客北戶多南風蜂蠆隔萬里雲雷隨九攻長驅大浪破急擊羣山空餉道忽已遠懸軍垂欲窮精誠動白日憤薄連蒼穹野食掘田鼠晡餐兼焚僧收兵列亭候拓地彌西東臨事耻苟免履危能飭躬將星獨照耀邊色何溟濛瀘水夜可涉交州今始通歸來長安道召見甘泉宮廉藺若未死孫吳知暗同相逢論意氣慷慨謝深衷

唐詩類苑

卷之七十

六

南征怨

曹鄴

萬浪東不回昭王南征早龍舟沒何處獨樹江上老吾欲問水濱宮殿已生草

西征軍行遇風

崔融

北風捲塵沙左右不相識颯颯吹萬里昏昏同一色馬煩不敢進人急未遑食草木春更悲天景晝相匿夙齡慕忠勇雅尚存孤直覽史懷浸驕讀詩嘆孔棘及茲戎馬地忝從書紀職兵氣騰北荒軍聲振西極坐覺威靈遠行看侵氛息愚臣何以報倚馬申微力走馬川行奉送出師西征 岑參

君不見走馬川行雪海邊平沙莽莽黃入天輪臺九月風夜吼一川碎石大如斗隨風滿地石亂走匈奴草黃馬正肥金山西見煙塵飛漢家大將西出師將軍金甲夜不脫半夜軍行戈相撥風頭如刀面如割馬毛帶雪汗氣蒸五花連錢旋作水幕中草檄硯水凝虜騎聞之心膽懾料知短兵不敢接軍師西門佇獻捷

輪臺歌奉送封大夫出師西征

岑參

輪臺城頭夜吹角輪臺城北旄頭落羽書昨夜過渠

唐詩類苑

卷之七十

七

黎單于已在金山西戍樓西望煙塵黑漢兵屯在輪臺北上將擁旄西出征平明吹笛大軍行四邊伐鼓雪海湧三軍大呼陰山動虜塞兵氣連雲屯戰場白骨纏草根劒河風急雲片闊沙口石凍馬蹄脫亞相勸王甘苦辛誓將報主靜邊塵古來青史誰不見今見功名勝古人

夏日都門送司馬員外逸客孫員外佺北征

李乂

日逐滋南寇天威撫北陲析珪行杖節持印且分麾羽檄雙鳬去兵車駟馬馳虎旗懸氣色龍劒抱雄雌

候月期戡剪經時念別離坐聞關隴外無復引弓兒

夏日都門送司馬員外逸客孫員外佺北征

時相王爲元帥魏大夫元忠爲副

沈佺期

二庭追虜騎六月動周師廟畧天人授軍麾相國持復言徵二妙才命重當時畫省連征橐橫門共別詞雲迎出塞馬風捲渡河旗計日方夷寇旋聞枕杜詩

送梁公昌從信安王北征

李白

入幕推英選捐書事遠戎高談百戰術鬱作萬夫雄起舞蓮花劒行歌明月宮將飛天地陣兵出塞垣通祖席留丹影征麾拂綵虹旋應獻凱入麟閣佇深功

唐詩類苑

卷之七十

八

送秦光祿北征

李賀

北虜膠堪折秋沙亂曉輦胡頻犯塞驕氣似橫霓灞水樓船渡營門細柳開將軍馳白馬豪彥騁雄材箭射攬槍落旗懸日月低榆稀山易見甲重馬頻嘶天遠星光沒沙平草葉齊風吹雲路火雪汗玉關泥屢斷呼韓頸曾燃董卓膂太常猶舊寵光祿是新躋寶玦騏驎起銀壺佛狸啼桃花連馬發綵絮撲鞍來呵臂懸金斗當脣注玉壘清蘇和碎蟣紫膩卷浮杯虎韜先蒙馬魚腸且斷犀趨趨西旅狗感額北方奚守帳燃香暮看鷹未夜棲黃龍就別鏡青塚念陽臺

周處長橋役侯調短弄衰錢塘階鳳羽正室壁鸞鏡
內子攀琪樹羌兒奏落梅今朝擎劍去何日刺蛟迴

送盧管記僊客北伐

沈佺期

羽檄西北飛交城日夜聞廟堂盛徵選戎幕生光輝
鴈行度幽谷馬首向金微湛湛山川暮蕭蕭涼風稀
餞途予憫默赴敵子英威今日楊朱淚無將灑鐵衣

送趙二尚書彥昭北伐

張說

虜地河水合邊城備此時兵連紫關路將舉白雲司
題劍榮中貴銜珠盛出師日華光組練風色焰旌旗
投筆罇前起橫戈馬上辭梅花吹別引楊柳賦新詩

唐詩類苑

卷之七十

九

貽鼓吹李丞時信安王北伐李公王之所器

者也

儲光義

北伐昧天造王師示有征轅門統元律帝室命宗英
靈威方首事伏鉞按邊城膏雨被春草黃雲浮太清
文儒託後乘武旅趨前旌出車發西洛營軍臨北平
曰予深固陋志氣頗縱橫常思驃騎幕願逐嫖姚兵
惟賢美無度海內依揚聲河間舊相許車騎日逢迎
折節下謀士深心論客卿忠言雖未列庶以知君誠

征蜀聯句

韓愈

日王忿違傲有命事誅拔蜀險豁關防秦師縱橫猾

愈風旗市地揚雷鼓轟天殺竹兵彼皴脫鐵刃我鎗
鐵刑神咤率旄陰燄颯犀札翻霓紛偃塞塞野頑塊

北愈

生倖競掣跌癡突爭填軋渴鬪信虺呶嗽奸何

噢喙

更呼相簸蕩交斫雙缺齧火發激鉉腥血漂

騰足滑

愈飛猱無整陣翩鵲有邪戛江倒沸鯨鯢山

搖潰徂徠中離分二外變迷七八逆頸盡微索仇

頭恣髡鬚怒鬚猶鬚斷臂仍瓢瓢愈石潛設奇伏

穴覷騎精察中矢類妖慘跳鋒狀驚豹踴翻聚林嶺

斗起成埃垓愈施亡多空扛軸折鮮聯轄剝膚浹瘡

瘻敗面碎剝剝渾奔肆狂勦捷窺脫趨黠巖鉤踔狙

唐詩類苑

卷之七十

十

猿水漉維鱣蝟投命開碯墮填隍偃僞倂愈強睛死

不閉瞢眼困逾恥蕤堞熇歆熇抉門呀初闔天刀封

未圻莫膳懾前樞踰梁排郁縮闔實揆窟窺迫脅聞

維驅咿咿咿咿冤兀愈窮區指清夷兇部坐雕鍛叩文

裁斐疊已豔收娼媼椎肥牛呼牟載實駝鳴圖聖靈

閔碩囂肅養均草蔡下書邊雄唬解罪弔攀瞎愈戰

恤時銷洗劍霜夜清刮漢棧罷囂闐獠江息澎汜戍

寒絕朝乘刀暗歇宵咎始去杏飛蜂及歸柳嘶蜚廟

獻繁猷級樂聲洞控揭愈臺圖煥丹玄郊告儼匏稽

念齒慰徽翼視傷悼癰疵休輸任訛寢報力厚麤括

公歡鐘晨撞室宴絳曉拊杯孟酬酒醪箱篋饋巾帑
小臣昧戎經維用贊勳勅愈

貴主征行樂

李賀

奚騎一作黃銅連鎖甲羅旗香幹金畫葉中軍留醉
河陽城嬌嘶紫燕踏花行春營騎將如紅玉走馬梢
鞭上空綠女垣素月角咿咿牙帳未開分錦衣

征人

羅鄴

青樓一別戍金微力盡秋來破虜圍錦字莫辭連夜
織塞邊長是到春歸正憐漢月當空照不柰胡沙滿
眼飛唯有夢魂南去日胡鄉山水路依稀

唐詩類苑

卷之七十

土

同諸公送李雲南伐蠻

儲光義

昆明濱滇池蠢爾敢逆天星耀鐵鎖吊彼西南方
冢宰統元戎太守齒軍行囊括千萬里矢謨在廟堂
耀耀金虎符一息到炎荒蒐兵自交趾芟舍出瀘陽
羣山高嶺巖凌越如鳥翔封豕驟踰伏巨象遙披攘
迴溪深天淵揭厲踰舟梁玄武掃孤蜮蛟龍除方良
雷霆隨神兵礪磔動穹蒼斬伐若草木繫縲同犬羊
餘醜隱弭河啁啾亂行藏君子惡薄險王師耻重傷
廣軍設置梁太白收光芒邊吏靜縣道新書行紀綱
劒關掉鞅歸武弁朝建章龍樓加命服獬豸擁秋霜

邦人頌靈旗側聽何洋洋京觀在七德林哉我神皇
次天元十載華陰發兵作時有郎官點發

儲光義

鬼方生獫狁時寇盧龍營帝念霍嫖姚詔發咸林兵
天星下文閣簡師臨我城三陌觀勇夫五餌謀長纓
雷野大車發震雲靈鼓鳴太華色莽蒼清渭風交橫
胡馬悲雨雪詩人歌旆旌闕氏爲女奴單于作邊氓
神皇麒麟閣大將不書名

發白馬

李白

將軍發白馬旌節度黃河簫鼓聒川嶽滄溟湧濤波

唐詩類苑

卷之七十

土

武安有振瓦易水無寒歌鐵騎苦雪山飲流涸滹沱
揚兵獵月窟轉戰畧朝那倚劒登燕然邊峰畧嵯峨
蕭條萬里外耕作五原多一掃清大漠包虎戢金戈

守睢陽作

張巡

接戰春來苦孤城日漸危合圍倂月暈分守若魚麗
屢厭黃塵起時將白羽揮褰襟猶出陣飲血更登陴
忠信應難敵堅貞諒不移無人報天子心計欲何施
和渭北劉大夫借便秋遮虜寄朝中親友

白居易

巨鎮爲邦屏全材作國楨韜鈴漢上將文墨膺諸生

豹虎關西卒金湯渭北城寵深初授榮威重正陽兵
陣占山河布軍由水草行夏苗侵部落宵遁失蕃營
雲隊攢戈戟風行卷旆旌埃空烽火滅氣勝鼓聲鳴
胡馬辭南牧周師罷北征迴頭問天下何處有撓槍

收襄陽城二首

戎昱

悲風慘慘雨脩脩峴北山低草木愁暗發前軍連夜
戰平明旌旆入襄州
五營飛將擁霜戈百里僵屍滿澗河日暮歸來看劒
血將軍却恨殺人多

行次昭應縣道上送戶部李郎中充昭義攻

唐詩類苑

卷之七十

十三

討

李商隱

將軍大旆掃狂童詔選名賢贊武功暫逐虎牙臨故
絳遠舍鷄舌過新豐魚遊沸鼎知無日鳥覆危巢豈
待風早勒勳庸燕石上佇光綸綍漢庭中

軍中行路難

辛常伯

君不見封狐雄虺自成羣憑深負固結妖氛玉璽分
兵徵惡少金壇授律動將軍將軍擁旄宣廟畧戰士
橫戈靜夷落長軀一息背銅梁直指三危登劒閣閣
道迢迢起戍樓劒門搖裔俯靈丘叩關九折無平路
江水雙源有急流征役無期返他鄉歲月晚杳杳丘

陵出蒼蒼林薄遠途危紫蓋峰路澀青泥坂去去指

哀牢行行入不毛絕壁千里險連山四望高中外分

區宇夷夏殊風土交趾枕南荒昆彌臨北戶川源饒

毒霧谿谷多淫雨行潦四時流崩巖千歲古漂梗飛

蓬不暫安捫蘿引葛陟危巒昔時聞道從軍樂今日

方知行路難滄江綠水東流駛炎州丹徼南中地南

中南斗映星河秦關秦塞阻煙波三春邊地風光少

五月瀘中瘴癘多朝驅疲斥侯夕息倦樵歌向月彎

繁弱連星轉太阿重義輕生懷一顧東征西伐凡幾

度夜夜朝朝斑鬢新年年歲歲戎衣故瀟城隅滇池

唐詩類苑

卷之七十

十四

水天涯望轉積地際行無已徒覺炎涼節物非不知

關山千萬里棄置勿重陳征行多苦辛且悅清笳梅

柳曲誰憶芳園桃李人絳節紅旗分日羽丹心白刃

酌明主但令一被君王知誰憚三邊征戰苦行路難

幾千端無復歸雲憑短翰空餘望日想長安

軍中行路難

同辛常伯作

賈賓王

君不見玉關塵色暗邊庭銅鞮雜虜寇長城天子按

劒徵餘勇將軍授服事橫行七德龍韜開玉帳千里

鼙鼓疊金鉦陰山苦霧埋高壘交河孤月照連營連

營去去無窮極擁旆遙遙過絕國陣雲朝結晦天山

寒沙夕漲迷疎勒龍鱗水上開魚貫馬首山前振鵬
翼長驅萬里警祁連分麾三命武功宜百發烏號擣
碎柳七尺龍文迴照蓮春來秋去移灰瑄蘭閨柳市
芳塵斷鴈門迢遞尺書稀鴛被相思隻帶緩行路難
誓令氛祲靜臯蘭但使封侯龍額貴詎隨中婦鳳樓
寒

變行路難

王昌齡

向晚橫吹悲風動馬嘶合前駢引旗節千里陣雲匝
單于下陰山沙礫空颯颯封侯取一戰豈復念閨閣

胡歌

岑參

唐詩類苑

卷之七十

五

黑姓蕃王貂鼠裘葡萄宮錦醉纏頭關西老將能苦
戰七十行兵仍未休

代扶風主人答

王昌齡

殺氣凝不流風悲月彩寒浮埃起四遠遊子迷不歡
依然宿扶風沽酒聊自寬寸心亦未理長鋏誰能彈
主人就我飲對我還慨然便泣數行淚因歌行路難
十五役邊城三迴討樓蘭連年不解甲積日無所餐
將軍降匈奴國使沒桑乾去時三十萬獨自還長安
不信沙場苦君看刀箭瘢鄉親悉零落塚墓亦摧殘
仰攀青松枝慟絕傷心肝禽獸悲不去路傍誰忍看

幸逢休明代寰宇靜波瀾老馬思伏櫪長鳴力已殫
少年與運會何事發悲端天子初封禪賢良刷羽翰
三邊悉如此否泰亦須觀

贈王威古

崔顥

三十羽林將出身常事邊春風吹殘草獵騎何翩翩
揮羽兩相顧鳴弓新上弦射麋入深谷飲馬投荒泉
馬上共傾酒野中聊割鮮相看未及飲雜虜寇幽燕
烽火去不息胡山高際天長驅救東北轉戰解城全
報國行赴難古來皆共然

裴侍中晉公出討淮西時過女几山下刻石題詩

唐詩類苑

卷之七十

六

末句云待平賊壘報天子莫指仙山示武夫果如
所言剋期平賊由是淮蔡迄今底寧殆二十年人
安生業夫嗟嘆不足則詠謠之故居易作詩二百
言繼題公之篇末欲使採詩者修史者後之往來
觀者知公之功德本末前後也 白居易

何處畫功業何處題詩篇麒麟高閣上女几小山前
爾後多少時四朝二十年賊骨化為土賊壘犁為田
一從賊壘平陳蔡民宴然軍驛成牛戶
驍銳者人畜生者呼為牛戶鬼火變人煙生子已嫁娶種桑亦絲
綿皆云公之德欲報無由緣公今在何處守都鎮三

川舊宅留永樂新居開集賢公今作何官被袞珥貂蟬戰袍破猶在髀肉生欲圓襟懷轉瀟灑氣力彌精堅登山不拄杖上馬能掉鞭利澤浸入地福降自昇天昔號天下將今稱地上仙勿追赤松游勿拍洪崖肩商山有遺老可以奉周旋

採桑

樂苑曰採桑羽調曲又有楊下採桑按採桑本清商西曲也

自古多征戰由來尚甲兵長驅千里去一舉兩蕃平按劍從沙漠歌謠滿帝京寄言天下將須立武功名

唐詩類苑

卷之七十

七

寄董卿嘉榮十韻

杜甫

聞道君牙帳防秋近赤霄下臨千嶺雪却背五繩橋海內久戎服京師今宴朝犬羊曾爛熳宮闕尚蕭條猛將宜嘗膽龍泉必在腰黃門掃雪月窟可焚燒會取干戈利無令斥候驕居然捕虜自是一嫖姚落日思輕騎秋天憶射鵰雲臺畫影像皆爲掃氛妖

幕府

送王著作赴淮西幕府

岑參

燕子與百勞一西復一東天空信寥廓翔集何時同知己悵難遇良朋非易逢憐君心相親與我家又通

言笑日無度書劄凡幾封湛湛萬頃陂森森千丈松不知有機巧無事千心胸滿堂皆酒徒豈復美王公早年抱將畧累歲依幕中昨者從淮西歸來奏邊功乘恩長樂殿醉出明光宮逆旅悲寒蟬客夢驚飛鴻發家見春草却去聞秋風月色冷楚城淮光透霜空各自務功業當須激深衷別後能相思何嗟山水重

送裴判官自賊中再歸河陽幕府

岑參

見職官部判官

送趙判官赴黔府中丞叔幕

唐詩類苑

卷之七十

八

李白

廓落青雲心結交黃金盡富貴翻相忘令人忽自哂蹭蹬鬢毛斑盛時難再還巨源咄石生何事馬蹄間綠蘿長不厭却欲還東山君爲魯曾子拜揖高堂裏叔繼趙平原偏承明主恩風霜摧獨坐旌節鎮雄藩虎士秉金鉞蛾眉開玉樽才高幕下去義重林中言水宿五湖月霜啼三峽猿東風吹草綠江上候歸軒

送張遙之壽陽幕府

李白

壽陽信天險天險橫荆關苻堅百萬衆邊阻八公山不假築長城大賢在其間戰夫若熊虎破敵有餘閑

張子勇且英少輕衛霍屏投驅紫髯將千里望風顏
最爾効才畧功成衣錦還

在水軍宴贈幕府諸侍御 李白

月化五白龍翻飛凌九天胡沙驚北海電掃洛陽川
虜箭兩宮闕皇輿成播遷英王受廟畧秉鉞清南邊
雲旗捲海雪金戟羅江煙聚散百萬人弛張在一賢
霜臺降羣彥水國奉戎旃繡服開宴語天人借樓船
如登黃金臺遙謁紫霞仙卷身編蓬下冥機四十年
寧知草間人腰下有龍泉浮雲在一決誓欲清幽燕
願與四座公靜談金匱篇齊心戴朝恩不惜微軀捐
唐詩類苑 卷之七十 九

送王季友赴洪州幕下 錢起

列郡皆用武南征所從誰諸侯重才畧見子如瓊枝
燕劍感知已出門方遠辭煙波帶幕府海日生紅旗
問我何功德負恩留玉墀銷魂把別袂愧爾酬明時
送華陰尉張若赴邕府使幕 張即燕公之孫
劉禹錫 頃坐事除名

昔忝南宮郎往來東觀平嘗披燕文傳聳若窺三辰
翊聖崇國本像賢正朝倫高視緬今古清風曩無鄰
蘭鐙照通衢一家十朱輪鄴國嗣侯絕韋卿世業貧

夫子承大名少年振芳塵青袍仙掌下矯首凌煙旻
公冶本非罪潘郎一為民風霜苦搖落堅白無緇磷

一旦逢良時天光燭幽淪重為長裾客佐彼觀風臣
分野窮禹畫人煙過虞巡不言此行遠所樂相知新
雨起巫山陽鳥鳴湘水濱離筵出蒼莽別曲多悲辛
今朝一杯酒明日千里人從此孤舟去悠悠天海春
送李侍御益赴幽州幕 韋應物

二十揮篇翰三十窮典墳辟書五府至名為四海聞
始從車騎幕今赴嫖姚軍契闊晚相遇草感遽離羣
悠悠行子遠耿耿川塗分登高望燕代日夕生夏雲
唐詩類苑 卷之七十 十

司徒擁精甲誓將除國氛儒生幸持斧可以佐功勲
無言羽書急坐關相思文

送李司直赴江西使幕 韓翃

飲板辭漢庭進帆歸楚幕三江城上轉九里人家泊
好酒近宣城能詩謝康樂雨晴山西樹日出南昌郭
竹露點衣巾湖煙濕局鑰主人蒼玉佩後騎黃金絡
高祝領八州相期同一鶚行當報知已從此飛寥廓

送石處士赴河陽幕 韓愈

長把種樹書人云避世士忽騎將軍馬自號報恩子
風雲入壯懷泉石別幽墅鉅鹿師欲老常山險猶恃

豈惟彼相憂固是吾徒耻去去事方急酒行可以起

送侯叅謀赴河中幕

韓愈

憶昔初第日各以少年稱君願始生鬚我齒清如水
爾時心氣壯百事謂已能一別詎幾何忽如隔晨興
我齒豁可鄙君顏老可憎相逢風塵中相視迭嗟矜
幸同學省官末路再得朋東司絕教授遊宴以爲恒
秋漁陰密樹夜燐然明燈雪逕抵樵更風廊折談僧
陸渾桃花開有湯沸如烝三月崧少步躑躅紅千層
洲沙厭晚坐巖壁窮晨昇沈冥不計日爲樂不可勝
遷滿一已異乖離坐難憑行行事結束人馬何躊躇

唐詩類苑

卷之七十

五

感激生膽勇從軍豈嘗曾洗洗司徒公天子爪與肱
提師十萬餘四海欽風稜河北兵未進蔡州帥新薨
曷不請掃除活彼黎與烝鄙夫誠怯弱受恩愧徒弘
猶思脫儒冠棄死取先登又欲面言事上書求詔徵
侵官固非是妄作譴可懲惟當待責免耕斲歸溝塍
今君得所附勢若脫鞢音鉤鷹檄筆無與讓幕謀職其
膺收績開史牒翰飛逐溟鵬男兒貴立事流景不可
乘歲老陰沴音庚作雲頽雪翻崩別袖拂落水征車轉
峭陵勤勤酒不進勉勉恨已仍送君出門歸愁腸若
牽繩默坐念語笑癡如遇寒蠅策馬誰可適晤言誰

爲應席塵惜不掃殘罇對空凝信知後會時日月屢
環絙生期理行役歡緒絕難承寄書惟在頻無恹簡
與繒

送盧汀侍御歸天德幕

孟郊

仲宣領騎射結束皆少年匹馬黃河岸射鵬清霜天
旌旗防日北道路上雪巔古雪無銷鑠新水有堆填
清溪徒聳峭白壁自招賢豈比重思者閉門方獨全

幽州賦詩見意時佐劉幕

李益

旌戌在桑乾年年薊水寒殷勤驛西路北去向長安

送朝長史赴荆南舊幕

盧綸

唐詩類苑

卷之七十

五

元瑜思舊幕幾夜夢旌旆暑退兼葭雨秋生鼓角天
月明三峽路浪裏九江船

送李校書赴東浙幕府

劉長卿

方從大夫後南去會稽行森森滄江外青青春草生
芸香辭亂事梅吹聽軍聲應訪王家宅空憐江水平

寄洪州幕府盧二十一侍御

自南昌令拜
頃同官洛陽

韋應物

忽報南昌令乘驄入郡城同時趨府客此日望塵迎
文苑臺中妙水壺幕下清洛陽相去遠猶使故林榮
咸陽送房濟侍御歸太原幕

昔嘗與濟
同遊此邑

盧綸

舊居無舊隣似見故園春復對別離酒欲成衰老人
客衣頻染淚軍旅亦多塵握手重相勉平生心所因

送李校書赴東川幕

盧綸

泥坂望青城浮雲與棧平字形知國號眉勢識山名
編簡塵封閣戈鋌雪照營男兒須聘用莫信筆堪耕

送渭南崔少府歸徐郎中幕

盧綸

葉下山邊路行人見自悲夜寒逢雪處日煖到村時
語少心長苦愁深醉自遲

美有幕中期

唐詩類苑

卷之七十

三

送暢當赴山南幕

盧綸

含情脫佩刀持以佐賢豪是月霜霰下伊人行役勞
事將各共易文與行空高去矣奉戎律悲君爲我曹

送王師曾協律赴湖南使幕

劉禹錫

翩翩馬上郎驅傳渡三湘橘樹沙洲暗松醪酒肆香
素風傳竹帛高價聘琳琅楚水多蘭芷何人事塞芳

送趙中丞自司金外郎轉官山南令狐

僕射幕府

趙氏弟兄皆僕射門客

劉禹錫

綠樹滿褒斜西南蜀路賒驛門臨白草縣道入黃花

相府開油幕門生逐絳紗行看市政後還從入京華

送元侍御還荆南幕府

李嘉祐

迢遞荊州路山多水又分霜林淡寒日朔鴈蔽南雲
八坐由持節三司亦置軍自當行直指應不爲功勳

送崔校書赴梓幕

司空曙

碧峰天柱下鼓角鎮南軍管記催飛檄蓬萊輟校文
棧霜朝似雪江霧晚成雲想出襄中望巴庸方路分

送裴補闕入河南幕

郎士元

皎然青瑣客何事動行軒苦節酬知己清吟去掖垣
秋城臨海樹寒月上營門鄒魯詩書國應無鼙鼓喧

唐詩類苑

卷之七十

五

送韋侍御赴湖南幕府

李嘉祐

執憲隨征虜逢秋出故關雨多愁郢路葉下識衡山
地遠從軍樂兵強分野閒皇家不易將此去未應還

送張郎中副使自南省赴鳳翔府幕

羊士諤

仙郎佐氏謀廷議寵元侯城郭須來貢河隍亦順流
亞夫高壘靜充國大田秋當奮燕然筆銘功向隴頭

送韋繇校書赴浙東幕

朱慶餘

丞相辟書新秋關獨去人官離芸閣早名占甲科頻
水驛迎船戶山城候騎塵湖邊寄家久到日喜榮親